

ԲԱՆԱԿՑՈՒԹԻՒՆՆԵՐ ՍԱՀՄԱՆԱՄԵՐՉ ՏԱՐԱԾՔՈՒՄ

Յունիսի 22ին ժամը 17ի սահմաններում Լաշինի շրջանի Հաջիլար եւ Գորիսի շրջանի Խոզնավար գիւղերին սահմանակից տարածքում տեղի է ունեցել հանդիպում Գորիսի շրջանի ՆԳ բաժնի պետի տեղակալի, 7րդ բանակի հրամանատարի, ՆԳ բաժնի երկու աշխատակիցների, Խոզնի գիւղինորիրդի նախագահի, գլուխ բնակիչների - հայկական կողմ - եւ Լաշինի շրջանի ՆԳ բաժնի, ՊԱԿի պետերի, Հաջիլար եւ Ռէմենդ գիւղերի մի բանի ներկայացուցիչների միջև։

Հանդիպման ընթացքում յըննարկուել են սահմանամերծ գիւղերի բնակիչների անվտանգութեան ապահովման, ամառային արօտավայրերում անասունների անվտանգ պահպանութեան եւ անասնազողութեան դէմ պայքարի գործում 2 կողմերի միլիցիայի աշխատակիցների համագործակցութեան հարցերը։ Ի դէպ, Վերջին առաջարկն արուել էր Գորիսի ՆԳ բաժնի պետի տեղակալի կողմից։ Նշուել է նաև սահմանամերծ գիւղերի ներկայացուցիչների մասնակցութեամբ այսուհետեւ նման հանդիպումներ անցկացնելու անհրաժեշտութիւնը։ Հանդիպման արդիւնքում ադրբեյջանցիները յետ վերադարձին նախորդ օրը տեւանգած Խոզնավարի 260 զլուխ անհատական ոչխարները։